

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
12.05.2020թ. կայացված ԱՖ285730 որոշումն անփոփոխ, իսկ վարչական բողոքն առանց
բավարարման թողնելու մասին

<<18>> 06 2020թ. 7-13- 6906

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Սուրեն Բաբայանի ՄԴ/34168-20 դիմումի քննարկման արդյունքում ստեղծված
նյութերը՝

Պ Ա Ր Զ Ե Ց Ի

Երևան քաղաքի Հալաբյան փողոցի 9/1 շենքի 63 բնակարանի բնակիչ Սուրեն Բաբայանը
դիմումով խնդրել է բեկանել Ճանապարհային ոստիկանության վարչական իրավախախտման
վերաբերյալ գործով 12.05.2020թ. կայացված ԱՖ285730 որոշումը՝ նշելով, որ համաձայն չէ
որոշմամբ արձանագրված իրավախախտման հետ: Միաժամանակ հեռախոսակապի միջոցով
հայտնել է, որ դիմումին ավելացնելու ոչինչ չունի:

Դիմումի քննարկման արդյունքում պարզվել է, որ վարչական իրավախախտման
վերաբերյալ գործով 12.05.2020թ. կայացված ԱՖ285730 որոշումը ենթակա է կատարման
հետևյալ պատճառաբանությամբ.

ՀՀ կառավարության <<Ճանապարհային երթևեկության կանոնները և տրանսպորտային
միջոցների շահագործումն արգելող անսարքությունների ու պայմանների ցանկը սահմանելու
մասին>> թիվ 955-Ն որոշման 69-րդ կետի 1-ին ենթակետի համաձայն՝ բնակավայրերից դուրս
թույլատրվում է երթևեկել 90 կմ/ժ ոչ ավելի արագությամբ:

Վարչական իրավախախտումների վերաբերյալ ՀՀ օրենսգրքի 124.4-րդ հոդվածի 2-րդ մասի
համաձայն՝ երթևեկության սահմանված արագությունը 11-30 կմ/ժ-ով գերազանցելը՝
առաջացնում է տուգանքի նշանակում նվազագույն աշխատավարձի քանակատիկի չափով:

Ուսումնասիրությամբ պարզվել է, որ 12.05.2020թ. ժամը՝ 19:50-ի սահմաններում Իջևան –
Սևան – Երևան 108կմ ճանապարհահատվածում քաղաքացի Սուրեն Բաբայանի վարած
<<HONDA>> մակնիշի 35FT305 հաշվառման համարանիշի ավտոմոբիլը կանգնեցվել է
Ճանապարհային ոստիկանության ՃՊԾ 2-րդ սպայական գումարտակի 3-րդ սպայական
վաշտի 2-րդ սպայական դասակի ավագ տեսուչ, ոստիկանության մայոր Ա.Բարսեղյանի և նույն
դասակի տեսուչ, ոստիկանության ավագ լեյտենանտ Մ.Խանզադյանի կողմից ճանապարհային
երթևեկության կանոնի խախտման համար, այն է՝ վարորդը բնակավայրից դուրս երթևեկել է
123 կմ/ժ արագությամբ, որտեղ թույլատրելի առավելագույն արագությունը սահմանված է 90
կմ/ժ արագությամբ, այսինքն հաշվանցելով 10կմ/ժ-ը, գերազանցել է թույլատրելի
արագությունը 23 կմ/ժ-ով: Վարորդի նկատմամբ կազմվել է վարչական իրավախախտման
արձանագրություն և համաձայն Վարչական իրավախախտումների վերաբերյալ ՀՀ օրենսգրքի
124.4-րդ հոդվածի 2-րդ մասի՝ կայացվել է ԱՖ285730 որոշումը՝ վերջինիս 20000 ՀՀ դրամի
չափով տուգանելու մասին:

Ըստ ոստիկանության ծառայողների գրավոր բացատրությունների՝ իրավախախտումը
հայտնաբերվել է ծառայողական ավտոմոբիլում տեղադրված <<Իսկրա 1>> տիպի թիվ 134552
գործարանային համարի արագաչափ սարքի միջոցով, որից հետո սահմանված կարգով,
ավտոմոբիլը կանգնեցվել է, ոստիկանության ծառայող Մ.Խանզադյանը մոտեցել է վարորդին,
ներկայացել, պարզաբանել իրավախախտման բնույթը և պահանջել փաստաթղթերը:

Վարորդին նախքան արձանագրություն կազմելը առաջարկվել է դիտել իրավախախտման տեսանյութը, որը նրան ցուցադրվել է: Ոստիկանության մայոր Մ.Խանգադյանը կազմել է համապատասխան արձանագրություն, որից հետո վարորդը նշել է իր անհամաձայնությունը արձանագրության մեջ: ՃՈ ծառայողները հայտնել են, որ ծառայողական ավտոմոբիլում տեղադրված <<Իսկրա 1>> տիպի արագաչափ սարքը փոխարինվել է <<Բինար>> տիպի արագաչափ սարքով, ինչի արդյունքում նշված իրավախախտման տեսանյութը չի պահպանվել: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

Համաձայն <<Ճանապարհային երթևեկության անվտանգության ապահովման մասին>> օրենքի 17-րդ հոդվածի՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ **երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:**

Այսպիսով, դիմումատուի արարքում առկա է Վարչական իրավախախտումների վերաբերյալ ՀՀ օրենսգրքի 124.4-րդ հոդվածի 2-րդ մասով նախատեսված իրավախախտման զանցակազմը:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 12.05.2020թ. կայացված ԱՖ285730 որոշումը թողել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Սուրեն Բաբայանին և Ճանապարհային ոստիկանության ՃՊԾ 2-րդ սպայական գումարտակ:



Ե.Կարապետյան